



Broj: 11-01-05-28024-1/17
Sarajevo, 20.10.2017. godine

SKUPŠTINA KANTONA SARAJEVO
n/r Ane Babić, predsjedateljica Skupštine Kantona Sarajevo
- ovdje-

POSLANIČKO PITANJE

Na 33. Radnoj sjednici Skupštine Kantona Sarajevo, održanoj 2.10.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnik Bjelak Nermin je postavio zastupničko pitanje u vezi sa novim načinom upisa u srednje škole, koje glasi:

„Potrebno je da Ministar objasni i da obrazloženje kako je prošao novi način upisa u srednje škole i da li je bilo nepravilnosti prilikom upisa i ako jeste šta je poduzeto?“

ODGOVOR

U skladu sa čl. 57. i 62., 77. i 78. Zakona o srednjem obrazovanju („Službene novine Kantona Sarajevo“, broj: 23/16), Vlada Kantona Sarajevo je na 83. sjednici održanoj 23.5.2017. godine donijela Odluku sa kriterijima za prijem učenika u prvi razred srednjih škola Kantona Sarajevo („Službene novine Kantona Sarajevo“, broj: 21/17).

Tri su osnovna kriterija bodovanja učenika – opći uspjeh učenika u zadnje četiri godine školovanja, zaključne ocjene u zadnje dvije godine školovanja iz tri predmeta relevantna za određenu vrstu srednje škole i rezultati ostvareni na eksternoj maturi.

On line upis omogućava apliciranje u tri škole ili na tri zanimanja unutar jedne ili dvije škole i **jedini kriterij koji se uzima u obzir prilikom rangiranja učenika je ukupan broj bodova.**

Ministarstvo za obrazovanje, nauku i mlade je 27.6.2017. godine raspisalo Konkurs za upis učenika u prvi razred srednjih škola sa područja Kantona Sarajevo u školskoj 2017/2018. godini, kojim je obuhvaćeno 36 srednjih škola kao javnih ustanova. U ovom konkursnom roku, značajnu novinu je predstavljao novi način upisa učenika u srednje škole, putem online upisa. Sa doradenim poboljšanjima u sistemu se krenulo u primjenu informacionog sistema ONLINE upis u srednje škole, na način da se samo putem ovog sistema mogao vršiti upis učenika u prvi razred srednje škole, osim u Katoličkom školskom centru – Opća realna gimnazija, Srednja medicinska škola, Gazi Husrevbegovoj medresi, te privatnim srednjim školama – Privatna međunarodna gimnazija „Bloom“ i Gimnazija Sarajevo School of Science and Technology -SSST. Privatne srednje škole – Tursko-bosanski koledž, Međunarodna srednja škola i Perzijsko-bosanski koledž su uputile zahtjev Ministarstvu za uključivanje u online upis, što im je omogućeno. Osnovnim školama je dat rok do 13.6.2017. godine da izvrše prenos podataka sa ažuriranim podacima (zaključne ocjene, ocjene vladanja, izostanke, pohvale, kazne, osvojene nagrade na takmičenjima i sl.), za sve učenike devetog razreda osnovne škole u EMIS školskim bazama kroz EMIS Web komponentu.

Najveći broj škola je na vrijeme izvršio ažuriranje traženih podataka, osim nekoliko škola, koje su zbog popravnih ispita za učenike 9. razreda zatražile prolongiranje dostavljanja podataka, što im je omogućeno. Prilikom prenosa podataka na EMIS Web uočeno je javljanja grešaka u prenosima u pojedinim školama. Prilikom podjele obrazaca EM2 sa ostalom dokumentacijom



(svjedodžba i uvjerenja) učenicima je podijeljeno i uputstvo o načinu prijave za online upis u srednje škole (blagovremeno su informacije i obavijesti objavljivanje i na web stranici Ministarstva). Bar-kod (šifra) koja se nalazila na EM2 obrascu ujedno je predstavljala i inicijalnu šifru za prijavu za online upis u srednje škole na području Kantona Sarajevo. Školama je na osnovu zahtjeva iz UTIC-a traženo da obavijeste učenike 9-tih razreda da su obavezni da prvu prijavu na sistem <http://upis.emis.edu.ba> izvrše 22.6.2017. godine i tada provjere svoje matične podatke, uključujući i ocjene. Učenici su bili dužni da izvrše provjeru podataka na online sistemu <http://upis.emis.edu.ba> do 27.6.2017. godine.

Učenicima iz drugih Kantona ocjene iz prethodnih godina školovanja upisivane su u jednoj od šest određenih osnovnih škola, tj. u onoj školi u kojoj su polagali eksternu maturu kroz sistem EMIS Web, te je dolazilo do otpora od strane školskih ustanova gdje su vršeni unosi ocjena za učenike izvan Kantona Sarajevo, zbog neočekivanog dodatnog posla unosa podataka. Ukupno se prijavilo 153 učenika iz drugih kantona ili inostranstva. Sljedeći broj učenika izvan Kantona Sarajevo se prijavilo u sljedeće škole: OŠ Skender Kulenović – 10 učenika, OŠ Grbavica I – 17 učenika; OŠ Fatima Gunić – 14 učenika; OŠ Čengić-Vila I – 3 učenika; Deveta osnovna škola – 25 učenika i OŠ Porodice ef. Ramić – 65 učenika. U osnovnoj školi „Edhem Mulabdić“ je bilo smještena baza u koju su unošeni podaci za učenike koji dolaze iz inostranstva i ponovce (62 učenika su prijavljena u OŠ „Edhem Mulabdić“). Pristup portalu za online upis u prvi razred srednje škole učenici su mogli izvršiti sa vlastitog računara ili iz osnovne škole koju su pohađali putem web stranice www.upis.emis.edu.ba na kojoj su se nalazile detaljnije informacije o načinu upisa u srednju školu. Video uputstva su se nalazila na linku "Pomoć" na početnoj stranici web portala.

Mnogi učenici su pokušavali odmah pristupiti portalu online upisa, što je dovelo do opterećivanja servera portala, tako da je došlo do toga da se nije moglo pristupiti istom. Na web stranici Ministarstva dato je saopćenje da se prvi uvid kandidata na online sistem za upis u srednje škole može izvršiti tek 23. juna 2017. godine. Pri prvoj prijavi potrebno je unijeti šifru dobivenu u osnovnoj školi (šifra sa EM2 obrasca) nakon čega učenik unosi korisničko ime i lozinku. Po uspješnoj prijavi u sistem moguće je pregledati lične podatke i ocjene, a nakon što se iz EMIS sistema prenesu i rezultati takmičenja, i ti podaci će biti dostupni za pregled. Još jednom je naglašeno da online prijava za upis u prvi razred srednje škole počinje 27.6.2017. godine, na dan objavljivanja KONKURSA za prijem učenika u prvi razred srednjih škola u školskoj 2017/2018. godini, a ne kako su slabo informirani i zbunjeni učenici mislili da počinje ranije. Rečeno je da mogućnost pristupa online sistemu 23.6.2017. godine je samo informativnog karaktera za roditelje i učenike, a da upis počinje 27.6.2017. godine. Nakon što je pušten u rad online sistem za provjeru podataka učenika za upis u srednje škole, bilo je suočavanja sa još većim problemima, kao što su neznanje roditelja i učenika u korištenju pomenutog sistema i prijave na isti, masovno zaboravljanje kreiranih lozinki od samih učenika ili roditelja.

Osoblje UTIC-a se odmah prvi dan suočilo sa realnim problemima na terenu. Uočeno je da se preslikavanje baze podataka iz komponente EMIS Web u komponentu/bazu podataka Online upisa u srednje škole Kantona Sarajevo nije izvršilo prema očekivanjima, te je dolazilo do prikazivanja, kod pojedinih učenika (oko 20%), pogrešnih podataka. Problem je bio i u pogreškama u ličnim podacima učenika, za što odgovornost snose osnovne škole, jer iako im je više puta sugerirano da izvrše ažuriranje istih u EMIS bazi podataka, to nije urađeno u proteklom periodu.

Prilikom preslikavanja baze tj. prijenosa podataka iz jedne u drugu bazu podataka (Online sistem upisa u SS) došlo je do "izmjene" pojedinih ocjena, što je u konačnici dovelo do pojave problema. Već 27.6.2017. godine omogućeno je korištenje online sistema za upis u srednje škole u realnom vremenu i sa svim funkcijama. Međutim, uočeni problemi nisu riješeni odmah što je dovelo do multipliciranja zahtjeva za ispravkama i poziva od strane učenika i roditelja.



web: <http://www.monks.ba>
e-mail: monks@ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



S obzirom da se nije mogao utvrditi uzrok nepreslikavanja /prijenosa podataka iz EMIS web baze u Online upis bazu, pristupilo se ručnom ispravljanju podataka, sa prethodnom provjerom istih u EMIS web bazi.

Takmičenja od strane osnovnih škola nisu unesena na pravilan način, a dostava istih je kasnila od pojedinih škola. Poseban problem su predstavljale osnovne muzičke škole sa svojim takmičenjima, koje tražene podatke nisu dostavili na vrijeme.

Nakon dostave svih podataka pristupilo se ručnom unošenju takmičenja.

Već 1.7.2017. godine počeo je opadati broj prijavljenih problema, nakon ručno ispravljenih podataka. Zaboravljanje lozinki je i dalje predstavljao problem. Sa približavanjem kraju prvog upisnog roka problemi su se počeli smanjivati. Nedefinisana su bila bodovanja takmičenja iz drugog stranog jezika, te su učenici koji su tu ostvarili određeni broj bodova vršili konstantan pritisak da im se isti dodijele kroz online sistem. Svakoga dana su se iza 19.00h generirale konačne i informativne rang-liste. Usljed velikog broja zahtjeva, 29. juna je omogućen ponovni odabir škola za učenike koji žele promijeniti izbor škole/smjera za upis u srednju školu. Jedna od otežavajućih okolnosti je i ta da su u osnovnim školama nastavnici radili do 30.6., kao i rad pojedinih osnovnih škola u junu u terminu od 9.00 – 13.00 h. Lista odabranih programa za upis u srednje škole zaključala se automatski 4. jula u 19.00 h i time su se finalizirali izbori svih kandidata. Konačne rang liste objavljene su 4.7.2017. godine iza 20.00, sati. Trenutkom objave konačnih rang lista, učenici su stekli pravo upisa u program srednjeg obrazovanja najvišeg prioriteta u kojemu se nalaze u sklopu upisne kvote.

Svi učenici prijavu za upis mogli su štampati sami iz sistema online upis klikom na "Štampaj prijavu". Predaja dokumentacije u srednju školu u koju su upisani učenici vršila se 5.,6. i 7. jula.

Javio se nepredviđeni problem, koji se ogleda u tome da većina učenika nema mogućnost štampanja prijave, te je isti prevaziđen na način da prijavu za upis mogu odštampati u srednjoj školi u kojoj su upisani, odnosno na čijoj rang listi se nalaze, na način da na štampaču škole odštampaju prijavu.

Na prvom konkursnom roku upisano je putem online sistema 3.181 učenik. Između dva upisna roka imali smo strahovit pritisak i neosnovane žalbe pojedinih učenika i roditelja na upis u srednju školu, tako da pojedini učenici nisu prihvatili da se upišu u srednju školu u koju su primljeni, iako je to bio njihov izbor. Pojedini učenici su prilikom odabira škola birali specijalne škole (škole u kojima se isključivo obrazuju učenici sa poteškoćama u razvoju) – iako su to učenici bez ikakvih smetnji za pohađanjem takvih škola. Prikupljanje podataka bilo je potrebno da se takvim učenicima omogući ponovni odabir škola u drugom upisnom roku. Zbog navedenih poteškoća je u drugom konkursnom roku upis u Centar za slijepu i slabovidnu djecu i omladinu, Centar za slušnu i govornu rehabilitaciju i Školu za srednje stručno obrazovanje i radno osposobljavanje obavljano izvan online sistema.

Pojedini učenici su bili primljeni izvan online sistema u Gazi Husrevbegovu medresu i KŠC- Opću realnu gimnaziju i dodatano putem online sistema izvršili odabir neke od javnih srednjih škola, što znači da su iskoristili sistem za mogućnost apliciranja u više škola – te time zauzeli mjesta drugim kandidatima. Jedino je u Srednjoj ekonomskoj školi prvaziđen taj problem kod 6 učenika, na način da su učenici napisali izjave da ne žele pohađati Srednju ekonomsku školu, nego KŠC-Opću realnu gimnaziju ili Gazi Husrevbegovu medresu. Na ovaj način se u Srednjoj ekonomskoj školi pojavio objektivni razlog za raspisivanje konkursa za 6 upražnjenih mjesta u drugom konkursnom roku.

Učenici koji su u prvom konkursnom roku za upis učenika u prvi razred srednje škole na području Kantona Sarajevo u školskoj 2017/2018. godini primljeni u neku od srednjih škola, bez obzira da li je to njihov prvi, drugi ili treći izbor, nisu imali više mogućnost apliciranja u drugom konkursnom roku koji je objavljen 11.7.2017. godine.

Na drugom upisnom roku koji je počeo 11. jula ponovo smo imali određenih žalbi učenika na zaboravljanje lozinki. Usljed velikog broja zahtjeva, 13. jula je omogućen ponovni odabir škola za



web: <http://www.monks.ba>

e-mail: monks@ks.gov.ba

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1



učenike koji su željeli promijeniti izbor škole/smjera za upis u srednju školu. Veliki problem u drugom konkursnom roku je predstavljala Srednja muzička škola, s obzirom na nejasne definirane kriterije škole za upis učenika. Na drugom konkursnom roku upisano je 324 učenika, što ukupno u dva roka iznosi 3.661 učenik.

U Kantonu Sarajevo su 9. razred osnovne škole u školskoj 2016/2017. godini završila 3.842 učenika.

Nakon dva konkursna roka, ukupno 215 učenika nisu upisana ni u jednu srednju školu, a aplicirali su na oba roka.

Tokom druge polovine augusta 2017. godine, učenici su mogli, direktno, posjetiti srednje škole u kojima je ostalo slobodnog mjesta i uz ispunjavanje uvjeta iz Odluke sa kriterijima za prijem učenika u prvi razred srednjih škola Kantona Sarajevo, predati dokumentaciju i biti upisani u odgovarajuću srednju školu.

Istovremeno, određeni broj roditelja se obratio Ministarstvu za obrazovanje, nauku i mlade, molbom za upis u određenu srednju školu učenika koji nigdje nisu upisani, te molbom za prebacivanje iz jedne srednje škole u drugu srednju školu.


Nepredviđena okolnost sa kojom se Ministarstvo susrelo kroz online upis predstavlja pojava da je učenik u prvom ili drugom konkursnom roku kroz online upis primljen u odgovarajuću srednju školu, ali nije predao dokumente potrebne za upis, zbog čega nije upisan u školu u koju je primljen kroz online upis. Ova pojava je prisutna u 13 srednjih škola.

Ukupan broj učenika upisanih u prvi razred srednjih škola u prvi razred u školskoj 2017/2018. godini je 3.963 učenika, rapoređenih u 181 odjeljenje.

Ministarstvo je zaprimilo jednu žalbu kojom se tvrdi da učenik nije primljen u određenu školu/određeno zanimanje, a da su primljeni učenici sa manjim brojem bodova od bodova učenika koj nije primljen.

Spomenuta žalba je odbačena kao neosnovana.

S poštovanjem,



MINISTAR

Prof. dr. Elvir Kazazović



web: <http://www.monks.ba>

e-mail: monks@ks.gov.ba

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1

